



BULETINI MUJOR

Maj
2026



Në kuadër të programit “Gjyshet për Fëmijët”, i cili prej një viti po zbatohet në institucionet e përkujdesit social, u zhvillua një takim i ngrohtë me gjyshet që janë bërë pjesë e këtij projekti dhe që çdo ditë qëndrojnë pranë fëmijëve, duke u ofruar kujdes, mbështetje emocionale dhe dashuri.

Gjatë aktivitetit u takuam me pesë gjyshe që kontribuojnë në Shtëpinë e Fëmijës “Zyber Hallulli”, Shtëpinë e Foshnjës “Hana dhe Rozafa”, Shtëpinë e Fëmijës 0–5 vjeç në Shkodër, si dhe në Shtëpinë Familje për të Rinj 16–18 vjeç Shkodër.

Përmes pranisë së tyre të përditshme, ato kanë krijuar lidhje të veçanta me fëmijët, duke sjellë ngrohtësi, siguri emocionale dhe përkujdesje njerëzore në jetën e tyre. Në bisedat e zhvilluara, gjyshet ndanë përvojat e tyre të përditshme, emocionet dhe lumturinë që u sjell ky angazhim, si dhe lidhjen e fortë që kanë krijuar me fëmijët.



Më datë 25.05.2026, Drejtoresha e Përgjithshme e SHSSH mori pjesë në aktivitetin “Nga konfiskimi tek të mirat publike”, organizuar nga AAPKS, ku u theksua rëndësia e përdorimit të aseteve të konfiskuara në mbështetje konkrete për komunitetin.

Gjatë aktivitetit u vlerësua bashkëpunimi i suksesshëm mes SHSSH dhe AAPKS, i cili prej më shumë se një viti ka sjellë përfitime reale për përfituesit e institucioneve të përkujdesit social dhe organizatave që ofrojnë shërbime sociale, veçanërisht për gratë dhe vajzat viktime të dhunës dhe trafikimit.

Përmes këtij partneriteti janë siguruar mjete, materiale dhe pajisje të ndryshme që kanë kontribuar drejtpërdrejt në përmirësimin e shërbimeve për grupet në nevojë. Bashkëpunimi mes institucioneve do të vijojë të forcohet më tej, me synimin për të zgjeruar mbështetjen dhe për të sjellë më shumë mundësi për komunitetet dhe qytetarët në nevojë.



Shërbimi Social Shtetëror

📍 Rruga e Durrësit, nr. 83, Tiranë, Shqipëri

☎ 044 54 18 21

✉ info@sherbimisocial.gov.al

🌐 www.sherbimisocial.gov.al